

dr. Boris Avdić, docent
Odsjek za geografiju
Prirodno-matematički fakultet Univerziteta u Sarajevu
Uža naučna oblast: Regionalna geografija i Geografija u obrazovanju, predsjednik

dr. Zoran Curić, redoviti profesor u trajnom zvanju
Geografski odsjek
Prirodoslovno-matematički fakultet Sveučilišta u Zagrebu
Uža naučna oblast: Regionalna geografija i Metodika geografije, član

dr. Ranko Mirić, vanredni profesor
Odsjek za geografiju
Prirodno-matematički fakultet Univerziteta u Sarajevu
Uža naučna oblast: Regionalna geografija i Turizam, član

VIJEĆU PRIRODNO-MATEMATIČKOG FAKULTETA UNIVERZITETA U SARAJEVU

Rješenjem Dekana Prirodno-matematičkog fakulteta br. 01/06-228/5-2022 od 23. 02. 2022. godine imenovana je Komisija za pripremanje prijedloga za izbor ASISTENTA za oblasti 'Regionalna geografija' i 'Geografija u obrazovanju' na Odsjeku za geografiju Prirodno-matematičkog fakulteta – 1 izvršilac sa punim radnim vremenom, u sastavu: dr. Boris Avdić, docent Prirodno-matematičkog fakulteta Univerziteta u Sarajevu, uže naučne oblasti: Regionalna geografija i Geografija u obrazovanju, predsjednik; dr. Zoran Curić, redoviti profesor u trajnom zvanju na Prirodoslovno-matematičkom fakultetu Sveučilišta u Zagrebu, uže naučne oblasti: Regionalna geografija i Metodika geografije, član; dr. Ranko Mirić, vanredni profesor Prirodno-matematičkog fakulteta Univerziteta u Sarajevu, uže naučne oblasti: Regionalna geografija i Turizam, član.

Na Konkurs za izbor asistenta za oblasti 'Regionalna geografija' i 'Geografija u obrazovanju' na Odsjeku za geografiju Prirodno-matematičkog fakulteta Univerziteta u Sarajevu – 1 izvršilac sa punim radnim vremenom, koji je objavljen 13. 01. 2022. godine u dnevnom listu 'Dnevni avaz', na web stranici Fakulteta i web stranici Univerziteta prijavilo se sedam (7) kandidata:

1. Belma Avdić, magistar geografije – turizam i zaštita životne sredine;
2. Belma Durmišević, magistar geografije – nastavnički smjer;
3. Bruno Grebenar, magistar geografije – nastavnički smjer;
4. Almina Gušić, magistar geografije – nastavnički smjer;
5. Amina Jekalović, magistar geografije – usmjerenje regionalno i prostorno planiranje;
6. Medina Krdžić-Ibrahimović, magistar geografije – nastavnički smjer;
7. Amil Mehić, magistar geografije;

Na osnovu člana 107. stav (3) Zakona o visokom obrazovanju (Službene novine Kantona Sarajevo, br. 33/17) i člana 205. stav (5) Statuta Univerziteta u Sarajevu, te Podsjetnika za pisanje referata za izbor nastavnika i saradnika Univerziteta u Sarajevu, Komisija u prethodno navedenom sastavu podnosi slijedeći

IZVJEŠTAJ

1. Mr Belma Avdić

A/Biografski podaci:

Belma Avdić, magistar geografije – turizam i zaštita životne sredine, rođen je 17. 04. 1995. godine u Srebrenici. Osnovnu školu i gimnaziju je završila u Ilijašu. Prvi ciklus studija geografije (smjer Turizam i zaštita životne sredine) na Prirodno-matematičkom fakultetu Univerziteta u Sarajevu je uspješno završila 2018. godine, sa osvojenih 240 ECTS bodova i prosječnom ocjenom 9,36. Na istoj visokoobrazovnoj instituciji je naredne, 2019. godine uspješno okončala i drugi ciklus studija, sa osvojenih 60 ECTS bodova i maksimalnom prosječnom ocjenom 10,00. Njena zbirna prosječna ocjena za oba studijska ciklusa iznosi 9,44. U toku studiranja na smjeru Turizam i zaštita životne sredine, kandidatkinja nema položen niti jedan predmet iz oblasti 'Geografija u obrazovanju'. Dvostruka je dobitnica posebnog priznanja Srebrena značka Univerziteta u Sarajevu, kao jedna od najboljih studenata I i II ciklusa studija Prirodno-matematičkog fakulteta. Kandidatkinja je dostavila certifikate i o poznavanju engleskog (B2 nivo) i njemačkog (B2.1 nivo) jezika, kao i rada na računaru (Windows operativni sistem, MS Word, PDF, MS Excel, internet, elektronska pošta, cloud platforme). Adekvatnim certifikatima i uvjerenjima je dokazala i svoj angažman, odnosno učešće na većem broju stručno-naučnih konferencija, edukacija, projekata i radnih grupa: 5th International Tourism and Hospitality Management Congress (2019. godine), Inn&Tech (2020. godine), Sarajevski festival turizma (2018. i 2019. godine), Strategija zaštite okoliša/životne sredine Bosne i Hercegovine 2030 – BiH ESAP 2030+ (2021. godine), Održivo poduzetništvo mladih (2020. godine), Osmo savjetovanje o energetici (2021. godine), Timski rad i liderstvo (2018. godine), Mladi za mlade pokreću aktivizam (2018. godine), Budi promjena!, Razvoj i unapređenje ekološke svijesti na području Općine Ilijaš (2019. godine) i 11. juli u mom životu (2019. godine). Tokom studiranja, kandidatkinja Belma Avdić je u periodu od novembra 2017. godine do januara 2018. godine obavila i stručnu praksu u Lufthansa City Centru, koja je podrazumijevala kreiranje turističkih aranžmana i upoznavanje osnova rada rezervacionog sistema Amadeus. U aprilu 2021. godine, kandidatkinja je sa Općinom Ilijaš zaključila Ugovor o stručnom osposobljavanju bez zasnivanja radnog odnosa, odnosno volonterskom radu, pri čemu je bila raspoređena na poslovima u Biznis centru Općine Ilijaš i Službi za zajedničke poslove, a trenutno je angažovana u Službi za prostorno uređenje i zaštitu okoliša. U prijavi je u skladu sa uslovima Konkursa dostavljen i Izvod iz matične knjige rođenih (br. 05/2-200-1-351/22), te Uvjerenje o državljanstvu Bosne i Hercegovine (br. 05/2-204-1-245/22). Kandidatkinja je također i kćerka poginulog borca-šehida.

B/Radovi kandidata:

Kandidatkinja Mr Belma Avdić u svojoj prijavi navodi da je do sada objavila sljedeće stručne/naučne radove u svojstvu koautora (dokaz – fotokopije radova):

1. Nezirović, S., Žunić, L. Košić, K. Drešković, N. Orić, M. i **Avdić, B.** (2017). Valorisation of the Biambare Caves. Geografski Razgledi – Geographical Reviews, Vol. 50, p. 71-82.

2. Nezirović, S., **Avdić, B.** i Orić, M. (2018). The cultural-historical heritage of Ilijaš municipality as the basis for the inclusion in regional tourist flows. *Revija za Geografiju*, Vol. 13 (2), p. 43-54.
3. Nezirović, S. i **Avdić B.** (2019). Spatial distribution of tourist resources in Drina National Park. *Revija za geografiju*, Vol. 14 (2), p. 23-38.

C/Nastavno-pedagoški rad:

Kandidatkinja Mr Belma Avdić u svojoj biografiji ne navodi da ima nastavno-pedagoško iskustvo.

2. Mr Belma Durmišević

A/Biografski podaci:

Belma Durmišević, magistar geografije – nastavnički smjer, rođen je 12. 05. 1996. godine u Sarajevu. Osnovnu školu i gimnaziju je završila također u Sarajevu. Prvi ciklus studija geografije (Nastavnički smjer) na Prirodno-matematičkom fakultetu Univerziteta u Sarajevu je uspješno završila 2019. godine, sa osvojenih 240 ECTS bodova i prosječnom ocjenom 9,33. Na istoj visokoobrazovnoj instituciji je naredne, 2020. godine uspješno okončala i drugi ciklus studija, sa osvojenih 60 ECTS bodova i prosječnom ocjenom 9,86. Njena zbirna prosječna ocjena za oba studijska ciklusa iznosi 9,39. U toku studiranja na Nastavničkom smjeru, kandidatkinja je na oba ciklusa položila ukupno sedam predmeta iz oblasti 'Geografija u obrazovanju', sa prosječnom ocjenom 9,85. Dvostruka je dobitnica posebnog priznanja Srebrena značka Univerziteta u Sarajevu, kao jedna od najboljih studenata I i II ciklusa studija Prirodno-matematičkog fakulteta. Kandidatkinja je dostavila certifikate i o poznavanju engleskog jezika (B2 nivo), kao i rada na računaru (Windows, MS Office, Internet). Adekvatnim certifikatima i uvjerenjima je dokazala i svoj angažman, odnosno učešće na većem broju edukacija/kurseva i projekata: Lideri online nastave (2020. godine), ESRI MOOC Cartography (2021. godine), ESRI MOOC Do-It-Yourself Geo Apps (2021. godine), ESRI MOOC The Location Advantage (2021. godine) i WWF Obuka za edukatore i edukatorke za sprovođenje aktivnosti u prirodi (2021. godine). U periodu od juna do decembra 2021. godine, kandidatkinja je bila aktivna volonterka u Udruženju za podršku osobama sa intelektualnim teškoćama na području Kantona Sarajevo OAZA. U prijavi je u skladu sa uslovima Konkursa dostavljen i Izvod iz matične knjige rođenih (br. 08/14-05-130904/14), te Uvjerenje o državljanstvu Bosne i Hercegovine (br. 02/05-210-1901/2022).

B/Radovi kandidata:

Kandidatkinja Mr Belma Durmišević u svojoj prijavi navodi da je do sada objavila jedan stručni/naučni rad u svojstvu koautora (dokaz – fotokopija rada):

1. Nezirović, S., **Durmišević, B.**, Hodžić, A. i Živko, A. (2021). Bosnia and Herzegovina – Transit area or unwanted migrant depots? *Revue Roumaine de Geographie*, Vol. 65 (1), p. 3-19.

Kandidatkinja je navela i da je koautorica još dva naučna/stručna rada koja se trenutno nalaze u procesu recenzije u relevantnim publikacijama.

C/Nastavno-pedagoški rad:

Kandidatkinja Mr Belma Durmišević je navela sljedeće nastavno-pedagoško radno iskustvo i za to dostavila adekvatna uvjerenja:

1. Nastavnica geografije u OŠ Osman Nuri Hadžić u Sarajevu (septembar 2021. godine);
2. Nastavnica geografije u OŠ Osman Nuri Hadžić u Sarajevu (oktobar – novembar 2021. godine);
3. Nastavnica geografije u OŠ Meša Selimović u Sarajevu (novembar 2021. godine).

3. Mr Bruno Grebenar

A/Biografski podaci:

Bruno Grebenar, magistar geografije – nastavnički smjer, rođen je 17. 05. 1994. godine u Novoj Biloj (Općina Travnik). Osnovnu školu i gimnaziju je završio u Vitezu. Prvi ciklus studija geografije (Nastavnički smjer) na Prirodno-matematičkom fakultetu Univerziteta u Sarajevu je uspješno završio 2017. godine, sa osvojenih 240 ECTS bodova i prosječnom ocjenom 9,04. Na istoj visokoobrazovnoj instituciji je 2020. godine uspješno okončao i drugi ciklus studija, sa osvojenih 60 ECTS bodova i prosječnom ocjenom 9,57. Njegova zbirna prosječna ocjena za oba studijska ciklusa iznosi 9,10. U toku studiranja na Nastavničkom smjeru, kandidat je na oba ciklusa položio ukupno sedam predmeta iz oblasti 'Geografija u obrazovanju', sa prosječnom ocjenom 9,85. Dobitnik je posebnog priznanja Srebrna značka Univerziteta u Sarajevu, kao jedan od najboljih studenata I ciklusa studija Prirodno-matematičkog fakulteta. Kandidat je naveo (bez dostavljenih certifikata) da govori engleski jezik i posjeduje brojne digitalne vještine. Adekvatnim certifikatima i uvjerenjima je dokazao svoje učešće na nekoliko edukacija/kurseva i projekata: Leadership and Developmental Community Youth Work (2019. godine), Postupci prilagodbe i individualizacije u nastavi geografije (2021. godine) i Kurs micro:bit basics (2020. godine). U biografiji je naveo još neke stavke u kategoriji konferencija, seminara i projekata, ali za njih nije dostavio adekvatna uvjerenja. U prijavi je u skladu sa uslovima Konkursa dostavljen i Izvod iz matične knjige rođenih (br. 02-10-1-370/2022), te Uvjerenje o državljanstvu Bosne i Hercegovine (br. 02-10-1-371/2022).

B/Radovi kandidata:

Kandidat Mr Bruno Grebenar nije dostavio informacije o objavljenim naučnim/stručnim radovima.

C/Nastavno-pedagoški rad:

Kandidat Mr Bruno Grebenar je naveo sljedeće nastavno-pedagoško radno iskustvo i za to dostavio adekvatno uvjerenje:

1. Nastavnik geografije u OŠ 13. Rujan u Jajcu (septembar 2020. – juli 2021. godine);

2. Nastavnik geografije u OŠ 13. Rujan u Jajcu (septembar 2021. godine –);
3. Nastavnik geografije u OŠ Busovača (septembar 2021. godine –)

4. Mr Almina Gušić

A/Biografski podaci:

Almina Gušić rođ. Pandur, magistar geografije – nastavnički smjer, rođena je 29. 11. 1996. godine u Sarajevu. Osnovnu školu i gimnaziju je završila u Hadžićima. Prvi ciklus studija geografije (Nastavnički smjer) na Prirodno-matematičkom fakultetu Univerziteta u Sarajevu je uspješno završila 2019. godine, sa osvojenih 240 ECTS bodova i prosječnom ocjenom 7,96. Na istoj visokoobrazovnoj instituciji je 2020. godine uspješno okončala i drugi ciklus studija, sa osvojenih 60 ECTS bodova i prosječnom ocjenom 8,57. Njena zbirna prosječna ocjena za oba studijska ciklusa iznosi 8,03. U toku studiranja na Nastavničkom smjeru, kandidatkinja je na oba ciklusa položila ukupno sedam predmeta iz oblasti 'Geografija u obrazovanju', sa prosječnom ocjenom 8,86. Kandidatkinja je dostavila certifikat o završenom kursu engleskog jezika (2020. godine). U prijavi je u skladu sa uslovima Konkursa dostavljen i Izvod iz matične knjige rođenih (br. 10-10-29756/20), Uvjerenje o državljanstvu Bosne i Hercegovine (br. 10-13-3280/22), te Izvod iz matične knjige vjenčanih (br. 10-10-20208/20).

B/Radovi kandidata:

Kandidatkinja Mr Almina Gušić nije dostavila informacije o objavljenim naučnim/ stručnim radovima.

C/Nastavno-pedagoški rad:

Kandidatkinja Mr Almina Gušić je navela sljedeće nastavno-pedagoško radno iskustvo (bez dokumenta koji to potvrđuje):

1. Pripravnik nastavnika geografije u Osmoj osnovnoj školi Amer Ćenanović (februar 2021. – februar 2022. godine).

5. Mr Amina Jekalović

A/Biografski podaci:

Amina Jekalović rođ. Cigura, magistar geografije – usmjerenje regionalno i prostorno planiranje, rođena je 26. 12. 1987. godine u Sarajevu. Gimnaziju je završila u Brezi. Prvi ciklus studija geografije (Regionalno i prostorno planiranje) na Prirodno-matematičkom fakultetu Univerziteta u Sarajevu je uspješno završila 2010. godine, sa osvojenih 240 ECTS bodova i prosječnom ocjenom 8,60. Na istoj visokoobrazovnoj instituciji je 2012. godine uspješno okončala i drugi ciklus studija, sa osvojenih 60 ECTS bodova i prosječnom ocjenom 9,00. Njena zbirna prosječna ocjena za oba studijska ciklusa iznosi 8,66. U toku studiranja na smjeru Regionalno i prostorno planiranje, kandidatkinja nema položen niti jedan predmet iz oblasti 'Geografija u obrazovanju'. Kandidatkinja je navela (bez dostavljenih certifikata) da ima završen I, II i III stepen engleskog jezika, te da posjeduje brojne tehničke vještine i kompetencije. U biografiji (bez priloženih potvrda) je navedeno radno iskustvo u JP Elektroprivreda BiH na različitim poslovima: pripravnik,

stručni saradnik za ekologiju i zaštitu okoline, referent za građevinske poslove i administrativni službenik (od 2012. do 2021. godine). Trenutno je zaposlena u RMU Breza kao stručni saradnik za poslove Uprave Društva. U prijavi je u skladu sa uslovima Konkursa dostavljen i Izvod iz matične knjige rođenih (br. 03/1-14-13-1-1570/18), te Uvjerenje o državljanstvu Bosne i Hercegovine (br. 03/1-15-10-4-139/2022).

B/Radovi kandidata:

Kandidatkinja Mr Amina Jekalović nije dostavila informacije o objavljenim naučnim/ stručnim radovima.

C/Nastavno-pedagoški rad:

Kandidatkinja Mr Amina Jekalović u svojoj biografiji ne navodi da ima nastavno-pedagoško iskustvo.

6. Mr Medina Krdžić-Ibrahimović

A/Biografski podaci:

Medina Krdžić-Ibrahimović, magistar geografije – nastavnički smjer, rođena je 26. 05. 1995. godine u Srebrenici. Osnovnu školu i gimnaziju je završila u Ilijašu. Prvi ciklus studija geografije (Nastavnički smjer) na Prirodno-matematičkom fakultetu Univerziteta u Sarajevu je uspješno završila 2018. godine, sa osvojenih 240 ECTS bodova i prosječnom ocjenom 8,00. Na istoj visokoobrazovnoj instituciji je naredne, 2019. godine uspješno okončala i drugi ciklus studija, sa osvojenih 60 ECTS bodova i prosječnom ocjenom 8,29. Njena zbirna prosječna ocjena za oba studijska ciklusa iznosi 8,03. U toku studiranja na Nastavničkom smjeru, kandidatkinja je na oba ciklusa položila ukupno sedam predmeta iz oblasti 'Geografija u obrazovanju', sa prosječnom ocjenom 7,86. Kandidatkinja je navela (bez dostavljenih certifikata) da govori engleski jezik i posjeduje brojne kompjuterske vještine i kompetencije. U prijavi je u skladu sa uslovima Konkursa dostavljen i Izvod iz matične knjige rođenih (br. 05/2-200-1-193/22), te Uvjerenje o državljanstvu Bosne i Hercegovine (br. 05/2-204-1-146/22). Kandidatkinja je također i kćerka poginulog borca-šehida.

B/Radovi kandidata:

Kandidatkinja Mr Medina Krdžić-Ibrahimović nije dostavila informacije o objavljenim naučnim/stručnim radovima.

C/Nastavno-pedagoški rad:

Kandidatkinja Mr Medina Krdžić-Ibrahimović u svojoj biografiji ne navodi da ima nastavno-pedagoško iskustvo.

7. Mr Amil Mehić

A/Biografski podaci:

Amil Mehić, magistar geografije, rođen je 10. 06. 1991. godine u Zenici. Osnovnu školu i gimnaziju je završio u Nemili, odnosno Zenici. Prvi ciklus studija geografije (Nastavnički smjer) na Prirodno-matematičkom fakultetu Univerziteta u Sarajevu je uspješno završio

2014. godine, sa osvojenih 240 ECTS bodova i prosječnom ocjenom 8,14. Na istoj visokoobrazovnoj instituciji je 2016. godine uspješno okončao i drugi ciklus studija, sa osvojenih 60 ECTS bodova i prosječnom ocjenom 9,38. Njegova zbirna prosječna ocjena za oba studijska ciklusa iznosi 8,30. U toku studiranja na Nastavničkom smjeru, kandidat je na oba ciklusa položio ukupno sedam predmeta iz oblasti Geografija u obrazovanju, sa prosječnom ocjenom 9,00. Treći ciklus zajedničkog studija 'Prirodne i matematičke nauke u obrazovanju – Geografija u obrazovanju' na Prirodno-matematičkom fakultetu Univerziteta u Sarajevu je upisao 2017. godine, te je u procesu izrade doktorske disertacije pod nazivom 'Uticaj savremenih društveno-geografskih procesa na razvoj obrazovanja u Federaciji Bosne i Hercegovine'. Kandidat je dostavio certifikat o završenom kursu engleskog jezika (2016. godine). Adekvatnim certifikatima i uvjerenjima je dokazao i svoj angažman, odnosno učešće na Petom međunarodnom kongresu geografa Bosne i Hercegovine i edukaciji Svi pripadamo – podrška inkluzivnom odgoju i obrazovanju učenika sa Down sindromom. U prijavi je u skladu sa uslovima Konkursa dostavljen i Izvod iz matične knjige rođenih (br. 10-13-2435/22), te Uvjerenje o državljanstvu Bosne i Hercegovine (br. 10-13-2436/22).

B/Radovi kandidata:

Kandidat Mr Amil Mehić u svojoj prijavi navodi da je do sada objavio sljedeće stručne/naučne radove u svojstvu autora/koautora (dokaz – fotokopija radova):

1. **Mehić, A.** (2021). Uticaj savremenih društveno-geografskih procesa na razvoj obrazovanja – Slučaj Federacije Bosne i Hercegovine. Peti kongres geografa Bosne i Hercegovine.
2. **Mehić, A.,** Korjenić, A. i Banda, A. (2020). Geoecological contents in the geography curriculum in elementary schools of the Canton Sarajevo, 2003-2018. Geografski pregled, Vol. 65.
3. **Mehić, A.** i Hadžić, N. (2020). Online nastava – nastava budućnosti. Acta Geographica Bosniae et Herzegovinae, Vol. 7.
4. **Mehić, A.** i Memić A. (2019). Variability evaluation method of socio-geographic and educational parameters. Hrvatski Geografski Glasnik, Vol. 81 (2).
5. **Mehić, A.,** Hadžić, N. i Gabeljić, S. (2019). Status i uloga nastavnog predmeta geografije u srednješkolnom obrazovanju Kantona Sarajevo. Acta Geographica Bosniae et Herzegovinae, Vol. 6.
6. **Mehić, A.** i Jahić, H. (2018). Analiza kretanja ukupnog broja učenika osnovnih škola u Federaciji Bosne i Hercegovine od školske 1996/97. -2017/18. godine. Acta Geographica Bosniae et Herzegovinae, Vol. 5.
7. **Mehić, A.** i Gabeljić, S. (2018). Usporedba determinanti ukupne dinamike stanovništva Unsko-sanskog kantona i Kantona Sarajevo u periodu 2008-2017. godine. Acta Geographica Bosniae et Herzegovinae, Vol. 5.
8. **Mehić, A.,** Jahić, H. i Kustura, E. (2015). Aktualizacija geografskih sadržaja u nastavnom procesu geografije. Acta Geographica Bosniae et Herzegovinae, Vol. 2.

Kandidat je naveo i da je autor još jednog originalnog naučnog rada koji se trenutno nalazi u procesu recenzije.

C/Nastavno-pedagoški rad:

Kandidat Mr Amil Mehić je naveo sljedeće nastavno-pedagoško radno iskustvo i za to dostavio djelomičnu dokumentaciju kao dokaz:

1. Položen stručni ispit za samostalan odgojno-obrazovni rad (2020. godine)
2. Nastavnik geografije i društva u OŠ Alija Nametak u Sarajevu (juni 2019. – juni 2020. godine);
3. Asistent u odsjeljenju/grupi u OŠ Alija Nametak u Sarajevu (septembar – decembar 2020. godine, februar – juni 2021. godine i septembar – decembar 2021. godine).

ZAKLJUČAK

Na osnovu svestrane analize dokumentacije sadržane u prijavama kandidata, kao i na osnovu člana 107. stav (3) Zakona o visokom obrazovanju kantona Sarajevo (Službene novine Kantona Sarajevo br. 33/17) i člana 205. stav (5) Statuta Univerziteta u Sarajevu Komisija konstatuje da:

1. Svih sedam kandidata ispunjava opšte uslove za izbor definisane u Konkursu za izbor asistenta za oblasti 'Regionalna geografija' i 'Geografija u obrazovanju' (objavljen 13. 01. 2022. godine u dnevnom listu 'Dnevni avaz', web stranici Fakulteta te web stranici Univerziteta);
2. Svih sedam kandidata je završilo I i II ciklus studija geografije na matičnom fakultetu prema bolonjskom sistemu studiranja, te su stekli minimalno 240 + 60 ECTS bodova i ostvarili ukupnu prosječnu ocjenu veću od 8,00;
3. Kandidati su ostvarili sljedeće prosječne ocjene (na I i II ciklusu studija geografije):

Na I ciklusu studija:

- Mr Belma Avdić	9,36
- Mr Belma Durmišević	9,33
- Mr Bruno Grebenar	9,04
- Mr Amina Jekalović	8,60
- Mr Amil Mehić	8,14
- Mr Medina Krdžić-Ibrahimović	8,00
- Mr Almina Gušić	7,96

Na II ciklusu studija:

- Mr Belma Avdić	10,00
- Mr Belma Durmišević	9,86
- Mr Bruno Grebenar	9,57
- Mr Amil Mehić	9,38
- Mr Amina Jekalović	9,00
- Mr Almina Gušić	8,57
- Mr Medina Krdžić-Ibrahimović	8,29

Ukupna prosječna ocjena na I i II ciklusu studija:

- Mr Belma Avdić	9,44
- Mr Belma Durmišević	9,39
- Mr Bruno Grebenar	9,10
- Mr Amina Jekalović	8,66
- Mr Amil Mehić	8,30
- Mr Medina Krdžić-Ibrahimović	8,03
- Mr Almina Gušić	8,03

4. Među prijavljenih sedam kandidata, njih pet je prema nastavnom planu i programu I i II ciklusa studija geografije na matičnom fakultetu slušalo i položilo predmete iz oblasti 'Geografija u obrazovanju'. Nastavni predmeti iz navedene oblasti, sa aspekta nastavnog plana i programa, zastupljeni su i u aktuelnim nastavnim planovima studija geografije na Odsjeku za geografiju Prirodno-matematičkog fakulteta Univerziteta u Sarajevu, na koji su se kandidati prijavili za izbor. Kandidati su iz predmeta zastupljenih u oblasti 'Geografija u obrazovanju' (ukupno sedam predmeta) ostvarili sljedeće prosječne ocjene:

- Mr Belma Durmišević	9,85
- Mr Bruno Grebenar	9,85
- Mr Amil Mehić	9,00
- Mr Almina Gušić	8,86
- Mr Medina Krdžić-Ibrahimović	7,86
- Mr Belma Avdić	-
- Mr Amina Jekalović	-

5. Četiri prijavljena kandidata su dostavila certifikate i druge vidove potvrda za učešće na naučnim konferencijama, te stručnim edukacijama i projektima. Mr Belma Avdić je dostavila ukupno 12 potvrda ove vrste, Mr Belma Durmišević šest, Mr Bruno Grebenar tri, a Mr Amil Mehić dvije. Preostale tri kandidatkinje nisu dostavile sličnu dokumentaciju.

6. Tri kandidata su uz bibliografiju u okviru svoje prijave dostavili i fotokopije objavljenih naučnih/stručnih radova. Mr Amil Mehić je priložio dokaze o osam naučnih/stručnih radova, koje je objavio kao autor ili u koautorstvu. Mr Belma Avdić je u koautorstvu objavila tri naučna/stručna rada. Mr Belma Durmišević ima jedan objavljen naučni rad u koautorstvu. Ostali kandidati nisu dostavili informacije o objavljenim naučnim/stručnim radovima.

7. Svi prijavljeni kandidati su naveli da govore engleskim jezikom, što su kandidatkinje Mr Belma Avdić i Mr Belma Durmišević potkrijepile adekvatnim certifikatom (B2 nivo), dok su Mr Almina Gušić i Mr Amil Mehić dostavili potvrdu o završenom kursu engleskog jezika. Mr Belma Avdić je navela i poznavanje njemačkog jezika, što je potvrdila dostavljenim certifikatom (B2.1 nivo). Ostali kandidati nisu priložili dokaze o nivou sposobnosti korištenja stranih jezika. Također, kandidati su u svojim

dostavljenim biografijama naveli posjedovanje različitih kompjuterskih vještina, ali su samo Mr Belma Avdić i Mr Belma Durmišević to potkrijepile certifikatima.

8. Četiri kandidata su u prijavi navela da posjeduju određeno nastavno-pedagoško iskustvo. Mr Amil Mehić je angažovan kao nastavnik geografije i asistent u nastavi u jednoj osnovnoj školi i jednoj gimnaziji tokom približno 2,5 godine, te navodi da ima položen stručni ispit. Mr Bruno Grebenar ima dokumentovano približno 1,5 godinu radnog staža kao nastavnik geografije u dvije osnovne škole, te je naveo da ima položen stručni ispit. Mr Almina Gušić ima godinu dana pripravnčkog radnog iskustva kao nastavnica geografije u jednoj osnovnoj školi. Mr Belma Durmišević ima iskustvo rada od približno dva mjeseca u dvije osnovne škole kao nastavnica geografije. Ostale kandidatkinje nisu navele da posjeduju nastavno-pedagoško iskustvo.
9. Svi kandidati su dostavili Uvjerenje o državljanstvu Bosne i Hercegovine.

MIŠLJENJE I PRIJEDLOG

Na osnovu naprijed navedenog, a imajući u vidu da se bira samo 1 izvršilac sa punim radnim vremenom, Komisija predlaže da se **Mr Belma Durmišević** izabere za asistenta za oblast 'Geografija u obrazovanju', s obzirom da je:

- među kandidatima koji su tokom studija položili predmete iz oblasti 'Geografija u obrazovanju' ostvarila najveći prosjek ocjena na I ciklusu – 9,33;
- među kandidatima koji su tokom studija položili predmete iz oblasti 'Geografija u obrazovanju' ostvarila najveći prosjek ocjena na II ciklusu – 9,86;
- među kandidatima koji su tokom studija položili predmete iz oblasti 'Geografija u obrazovanju' ostvarila najveći ukupan prosjek ocjena na I i II ciklusu – 9,39;
- među kandidatima koji su tokom studija položili predmete iz oblasti 'Geografija u obrazovanju' jedina dvostruka dobitnica posebnog priznanja Srebrna značka Univerziteta u Sarajevu;
- među prijavljenim kandidatima ostvarila najveći prosjek ocjena iz predmeta sa oblasti 'Geografija u obrazovanju' – 9,85 (podjednak prosjek ocjena u ovoj kategoriji je ostvario i drugi kandidat, ali sa manjom ukupnom prosječnom ocjenom);
- među kandidatima koji su dosad stekli određeno nastavno-pedagoško iskustvo imala najveći ukupni prosjek ocjena;
- tokom studija pokazala entuzijazam i izražen smisao za naučno-istraživački rad, kroz izradu i prezentaciju seminarskih i završnih radova, kao i jednog naučnog rada objavljenog u časopisu koji je indeksiran u međunarodnim citatnim bazama;
- samostalni govornik engleskog jezika, te posjeduje brojne digitalne vještine;
- prijava kandidata u potpunosti usklađena sa raspisanim Konkursom, što potvrđuje Potvrda br. 02/01-120,143,152,166,171,178,180/2-2022.

Shodno navedenom, predlažemo Vijeću Prirodno-matematičkog fakulteta Univerziteta u Sarajevu da prihvati prijedlog Komisije i da Mr Belmu Durmišević izabere u zvanje ASISTENTA za oblast 'Geografija u obrazovanju'.

Sarajevo, Zagreb, 24. 02. 2022. godine

Komisija:

dr. Boris Avdić, docent

dr. Zoran Curić, redoviti profesor u trajnom zvanju

dr. Ranko Mirić, vanredni profesor
